

docstoc.com 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第五四號


據

明·徐待聘等修
明萬曆三十四年刊本

影印

浙江省

上虞縣志



SK12/04

成文出版社有限公司印行



10096601

中華民國七十二年三月臺一版

上虞縣志

全一冊

發行人：黃 成 助

台北郵政信箱二二六〇五號
出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（〇五線）

印刷者：上林彩色印刷有限公司

台北市 大理街 145 號

新聞局出版登記證：局版台業字第二四三號

美談表其言詞解釋部事徵浮還京師免歸鄉里太守劉寵薨就孝廉仕至光祿主事

晉嵇紹字延祖康之子以父得罪幽居杜門山濤薦于武帝詔徵為秘書丞紹始入洛或謂王戎曰時於稠人中見嵇紹昂然若野鶴之在雞群戎曰君復未見其父耳裴頠亦深器之每曰使延祖為吏部尚書可使天下無復遺才矣惠帝復祚遷侍中嘗詣齊王冏諮事遇冏燕會召重曼等共論時政艾言於冏曰嵇侍中善絲竹

docsriver 文川网
入驻商家 古籍书城

在文川网搜索古籍书城 获取更多电子书

公可全操之左右進琴紹推不受罔曰今日為
驩卿何若此耶紹對曰公匡復社稷當執物作
則垂之於後紹雖虛鄙忝備常伯腰綬冠冕鳴
玉殿省豈可搯執絲竹以為伶人之事若釋公
服從私宴所不敢辭也罔大慙艾等不自得而
還及朝廷有北征之役天子蒙塵王師敗績於
蕩陰百官侍衛莫不潰散惟紹儼然端冕以身
捍衛兵交御輦飛箭雨集紹遂被害於帝側血
濺御服天子深哀嘆之及事定在古欲浣衣布

曰此稔侍中血刃去

謝邈字茂斐性剛鯁無所屈撓累遷侍中時孝武
帝酺樂之後多賜侍中文詔詞義有不雅者悉
輒焚毀之他侍臣被詔者或宣揚之論者以此
多邈後為吳興太守孫恩之亂為賊所執邈至
北而邈屬言曰我不得罪天子何北面之有遂
被害

謝琰字瑗度安之子以破苻堅功封望蔡公右將
軍右僕射侍孫恩逃海島朝廷優之以琰為會

楷內史都督五部軍事賊至琰敗績與二子俱
被害詔以琰父子隕於君親忠孝萃於一門贈
琰侍中司空謚忠肅三子肇峻混肇歷驃騎參
軍峻以琰勲封建昌侯及沒於賊詔贈肇散騎
常侍峻散騎侍郎混別有傳

宋豐治禮部尚書清敏公程之孫建炎中高宗駐
蹕淮陽金人入境時治監轉般倉死之紹興十
一年詔褒其忠錄子誼為將仕郎

劉漢衡字正甫昌齡子其先金華人十世祖仕吳

原稿缺

爲殿中丞左遷象山令道上虞因家焉登宋嘉定七年進士用大臣薦入館時理宗欲勉戚里以學詔皇后宅置講官漢弼首被選慨然嘆曰三館清流出入貴戚之門豈惟辱其身是辱其官也力辭不就說書崇政殿默寓規諫爲上簡注擢監察御史入謝上獎諭曰以卿純實不欺故此親擢時宰相史嵩之引拔私人布列要途葉貴濮牛南皆其腹心公劾之不少貸疏留中不出遂抗章避位東歸嵩之專恣日甚上亦患

苦之曰漢弼正色不撓是可屬任者以太常少
卿召之時臺諫劉晉之王瓚胡清獻龔基等揣
知上意將有易置亟請寢漢弼新命上怒逐四
人擢漢弼左司諫無侍講復除侍御史首疏五
事且謂權臣以父憂去謀爲起復一時臺諫旣
不能發一言反忌言者時執政金淵從官鄭起
潛濮牛南而下八人蠹害朝政悉擊去之又論
馬光祖奪情總餉實蒿之饋爲引錮之應勿中
其奸又密奏二疏乞令宰臣終喪早定相繼

引漢王氏晉賈充爲喻言甚剴切上將大用之
竟以戶部侍郎卒贈中奉大夫勅紹興府給喪
事御筆賜土田贍其家謚忠公表所居坊曰忠
諫陰子怡爲婺州太守祀鄉賢

趙良坦字平甫號平心宋楚王元佐十世孫寶祐
二年擢進士知永嘉瑞安福清並以廉介名會
吉廣二王走閩中改元景炎以良坦爲軍器監
贊軍事於是募兵守禦大兵南指力屈就擒帥
脅之不肯降拘獄中二年作書付其家曰試令

三載無愧於心守節二年不屈於敵只因忠義
二字累及老稚一門帥歸自南泉詰其不屈之
狀則曰生爲宋臣死爲宋鬼速求一死遂欣然
就戮人皆壯之祀鄉賢子友沂以學行聞

趙良坡字深甫良坦兄宋咸熙乙丑進士命守禦
廣州爲元兵生獲欲降之不屈元將義之放歸
隱西溪雪水稱雪水先生踰年元將思其賢復
索而得之欲薦于朝良坡終不屈怒罵罵元
將令左右刃之良坡大呼曰我得死所矣遂伸

頸受戮顏色自如其子友直同榜進士聞難泣
血冒刃歸視葬西溪湖眠牛山廬墓終隱焉所
居有視清亭戒子孫世勿仕元其子季忠季恕
薄元不仕後至正間有舉良坡鄉賢者二子不
從曰吾祖生旣耻食元粟歿豈享元祀蓋有祖
父遺風焉

明謝澤字時用永樂戊戌進士授刑部主事考讞
精密獄無冤滯同列皆服其詳慎會戶部侍郎
周忱經畧東南運賦薦澤爲已副居淮淞數年

勞績茂著遷廣西右叅政佐柳侯征夷招撫全
活者以萬計當是時澤與魏完胡智皆以藩憲
有聲人稱越中三良云正統十四年虜內訌北
邊戒嚴 朝廷擇才望守要害賢臣有受命者
巧爲規避而澤以九載考績待除闕下遂拜澤
通政使提督居庸白洋等關是時 駕已北狩
京師軍伍空虛澤單車以往其子儼送之出境
執其手訣曰吾必以死報國矣旣抵關上士卒
方散亂不知通政爲何官無一人出迎者澤乃

宣勃吉將士稍集然皆悞怯不振頃之虜大入
吏卒皆散走獨澤猶率羸卒殿山口且拒且却
或請移他關姑避其鋒澤曰吾受國恩三十年
此豈偷生日耶會風起沙塵漲天人馬不能辨
得却走入關南佛寺中門急猝不暇閉虜突至
澤端立厲聲叱之遂遇害虜騎方充斥其僮由
吉抱澤尸匿亂尸中始得歸 朝廷嘉其忠詔
賜祭葬錄其子儼大理評事曾孫元順正德丁
丑進士終工部郎中

韓銑字日章中成化丙午順天鄉試出守荊門州
陞韶州府同知當道委征勦連山等砦時賊勢
猖獗竭力行間遂遇害 詔贈知府錄子入監

直諫

韓子曰勁法之士與當塗之人不可兩存之仇
也當塗之人擅事要而勁法之士不憚析肝瀝
膽以繩其外自非忠貞天植能爾乎此即得一
士猶難而近觀虞邑是何湊合之奇也志直諫
葉經字叔明嘉靖壬辰進士授福州府推官丁父

docsriver 文川网
入驻商家 古籍书城

在文川网搜索古籍书城 获取更多电子书

憂卅補常州廩有風裁召拜御史時禮部尚書
嚴嵩受諸藩賄濫予封爵抗疏劾之寔欲杜其
入相也嵩既切齒後復列其十惡尤深憾之已
而按山海關按僻行營將吏竦懾癸卯再按山
東曾中丞王副使冒築城功輒自建祠據泐毀
之不少徇東平有尚書子橫州里立捕治抵罪
遠近肅然是年以監臨典鄉試發策以比虜內
侵禦應失當封爵冗濫征求四出財竭民困爲
言錄上以語含譏訕下禮部議嵩因摘錄中有

云繼體之君德非至聖作聰明以亂舊章好自用而不能任人皆涉毀謗貼註以聞械繫拷治擬以大肆譏謗無忠敬心詔午門外杖八十爲民遂卒於道先是御史楊爵以封事獲罪下錦衣獄同輩多遠引避禍經獨通問不絕及繫獄爵使人覘之兀坐不動卒時年三十九爵爲著傳於獄中隆慶改元遺詔復原官贈光祿少卿祀鄉賢錄其子志周爲詹事府錄事清介有父風嘗寓省邸守還徐生遺金署廳印謝却給劄

例銀亦以忤當道出簿瘡地而卒

謝瑜字如卿其先僉事肅通政使澤皆名臣瑜登
壬辰進士令浦城績甚著召拜南道御史時武
定侯郭勛建議請復天下鎮守鉗制百官瑜劾
勛妄肆極言正德中闒宦無狀司禮劉瑾反於
內鎮守畢真劉朗反於外覆車可監 上雖不
遽斥勛而鎮守之議竟寢海內賴之尋轉北使
雲貴核兵籍因論兵部尚書張瓚副都御史党
以平貪墨無賴又論禮部尚書嚴嵩奸佞大學

士翟鑾伴食刑部尚書周期雍飭非自固於是
相繼罷去惟嵩得入相瑜自雲貴還臺長稱爲
古之遺直薦留雲南道嵩憚之百計要結且啖
以美官瑜掉頭不顧出按四川聞邊警疏曰堯
舜誅四凶而蠻夷率俾今之四凶郭勛胡守中
張瓚嚴嵩是也陛下已誅其二矣何不盡屏逐
之以全堯舜之功乎且極陳邊事大壞狀上
不之罪嵩益欲甘心焉瑜以母老乞歸未允而
嵩乘京察除瑜名瑜歸日奉母怡怡盡懽不躡

足公府謁有司自謂狷介扁其居曰狷齋然其中實坦坦使人可親世廟登遐遺詔錄言者未及拜命而卒年六十有九後御史周弘祖輯嘉靖間革疏特請于朝贈太僕寺少卿

云公正有體年行壯裁

聘賢修志不礙文獻

陳紹字用光嘉靖乙未進士任廬州府推官以廉能徵拜南京監察御史崇明有海寇留都震動劾罷武臣若干人賴以底定嘉靖壬寅八月分宜拜相首抗疏論之其畧曰臣嵩為謫飭中

卷之八十八 陳紹

存巧詐內無可否事多依違競奔趨而賤名檢
崇文飾而鮮忠誠至其昵匪人贖貨賂各有指
實恐其承命之後滌私未盡故態復生輔臣係
師表百僚之任如嵩者庸劣素鄙于縉紳識度
見輕于士論以之列置具瞻將何以風厲天下
羽儀羣工昔唐楊綰拜相京兆尹減騶從郭子
儀撤坐中聲樂司馬光拜相遼人戒勅邊吏慎
無生事開邊隙嵩之被命果有是耶伏望收內
閣成命別選碩德重望以充斯任則宗社幸甚

天下幸甚未幾邊境告急又上章直刺嵩嵩益
御之遂出知韶州府至即搜吏弊卹民隱靡不
彈心時苦徭役紹爲裁冗均費民悉稱便暇則
捐罪贖以修郡堂及古墓祠宇簡七校士置師
於濂溪書院而館穀之歲乙巳大飢發粟賑濟
曲江英德西接連州英德熟徭負岩而巢乘斂
肆掠則編置彊官約束使不敢寇民乃無恐歲
久旱日事雩禱感病危篤聞雷雨輟復張目問
民間事竟卒紙贖悉置於庫藏郡丞程鐸見而

欽服檢署中止遺書數篋而已詔民哀之爲祀
於名宦見廣東通志後邑令朱維藩讀紹南臺
論分宜疏稿以爲得呂獻可之先見因成長篇
以贈甌東項喬謂紹潔已節財著之私錄祀鄉
賢紹卒時妻孫年方二十有五承歡撫孤及諸
孫皆有成立歷四十餘年貞淑如一日爲鄉里
所重

徐學詩字以言第進士授刑部主事方學詩提點
刑獄時淫雨暴漲諸囚內苦舍傾連繫無所避

而外憂食不時入袞號自分旦夕死矣學詩爲
嚴其防而寬其械分市椒餅以濟之越數日囚
無一傷與脫者尋晉本部郎署當是時相嚴嵩
父子怙寵黷賄日夤緣 上所嬖幸鋤擊言者
天下咸以言爲諱庚戌秋虜大舉入寇突騎薄
都城而所分布要害之帥尚以賄置會有 詔
求直言學詩遂具疏歷數嚴氏奸利事其畧曰
臣惟外攘之備在急修內治內治之要貴先端
政本竊見大學士嚴嵩位極人臣職司政府奸

險莫測賄賂填門民貧軍削釀成虜患如嵩者
正宜創往更新捐軀報國何謬引老子佳兵不
祥之說以漫清問且子世蕃狡鷲擅執父政凡
票擬密經其手故勅旨未下而世蕃即以宣
示於人又嵩權柄足以假手下石機械足以先
發制人勢利足以廣交自固乘機搆隙足以示
威脇衆文辭便給足以飾非強辯揣摩精巧足
以結當路之歡心而緘其口以故天下之人視
嵩父子如鬼如蜮痲心疾首敢怒而不敢言者

誠畏其陰中之莫測也伏乞

皇上詢訪叅

論如果臣言不妄將嵩父子並賜罷黜別簡忠
良委任責成庶革心向化內順治而外威嚴何
醜虜之足患哉疏上 上爲感動將發嵩父

子窘無所出賄囑方士陶仲文爲言嵩孤立盡
忠學詩特爲其所私報怨耳復逮學詩錦衣獄
筆楚備至學詩慷慨不少摧挫尋放爲民歸則
日侍父安寧公優游泉石曾無佗係於中而潛
思力踐不以一節自多也時浙中方苦徭役直

指麗公尚鵬議條鞭延公解中三閱日而定頒
行浙中民賴以甦與有力焉 世廟上賓遺詔
卹錄諸言者超拜南京通政司右叅議報至日
方與客對奕終局始罷人服其雅量至官踰月
卒士論惜之撫臣趙孔昭以請于 朝贈大理
寺少卿祀府鄉賢

徐待聘曰虞自古不乏忠諫之臣若李莊簡之
質秦檜劉忠公之劾史松之尤表表者然是時
二公在虞猶朝陽孤鳳耳余獨感 世廟時分

docsriver 文川网
入驻商家 古籍书城

在文川网搜索古籍书城 获取更多电子书

宜柄國時以諫顯者他無論即越郡七人而虞
居四焉謝瑜葉經預發奸于未相之先陳紹乞
收命于拜相之際其後陳以外補免謝以再
疏黜葉以試策被誣逮斃于杖而學皆繼之愈
慷慨奮厲劇列其奸狀瀕死不少挫壯矣夫一
權相耳而四臣若矢一心環向而互擊愈出愈
竒虞之直聲一時震天下則四臣之爲也死生
異禍 卹錄殊恩可勿論已昔漢廷惟汲長孺
好直諫嘗面折丞相稱社稷臣若四人者謂之

社稷臣非歟

理學

夫理學之士顯爲功業扞爲文章挺爲節義蓋一以貫之者而崑門獨盛則宋濂洛關閩始也虞自紫陽先生弭節講學于斯動以年歲一時師友漸剝而淵源其緒者殆不乏人可無標舉以存鐸響乎志理學

宋潘時字德卿世家金華少養於叔父待制默成與莊簡李光爲道義交故莊簡以女妻之因家